

Convenio de Colaboración entre a Consellería de Política Social da Xunta de Galicia e a Fundación Galicia Europa para a realización de programas de información sobre a Unión Europea e de proxectos de cooperación europea, destinados á xuventude galega, no exercicio 2020.

En Santiago de Compostela, a 01 de decembro de 2020

REÚNENSE

 Dunha parte, dona Fabiola García Martínez, en virtude do seu cargo de conselleira de Política Social, para o que foi nomeada polo Decreto 112/2020, do 6 de setembro, polo que se nomean os titulares das vicepresidencias e consellerías da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, de normas reguladoras da Xunta e da súa Presidencia e o artigo 2 da Resolución do 8 de abril de 1991, pola que se publica o acordo do Consello da Xunta de Galicia do 27 de marzo de 1991 e de conformidade co establecido no Decreto 110/2020, do 6 de setembro, polo que se establece a estrutura orgánica da Xunta de Galicia co Decreto 130/2020, do 17 de setembro, polo que se fixa a estrutura orgánica das vicepresidencias e das consellerías da Xunta de Galicia co Decreto 176/2015, do 3 de decembro, polo que se establece a estrutura orgánica da Consellería de Política Social.

 E doutra, don Jesús María Gamallo Aller como director da Fundación Galicia Europa, que intervéñe neste acto por conta e en representación da mesma, segundo recollen os seus estatutos, elevados a escritura pública perante o notario de Santiago de Compostela don José Manuel Amigo Vázquez, o vinte e un de decembro de dous mil dezoito, co número tres mil trescentos setenta e oito do seu protocolo, tendo a Fundación o seu domicilio na rúa do Hórreo, nº 61, código postal 15701 de Santiago de Compostela e con código de identificación fiscal G15140023.

Interveñen en función dos seus respectivos cargos e no exercicio das facultades que para convir en nome das entidades que representan teñen conferidas e que mutuamente se recoñecen.

EXPOÑEN

Primeiro.- Que as administracións públicas poden celebrar convenios de colaboración coas corporacións locais ou con outros entes de dereito público e con persoas físicas ou xurídicas ao abeiro do disposto na Lei 40/2015, do 1 de outubro, do réxime xurídico do sector público, e no artigo 6 da Lei 9/2017, de 8 de novembro, de contratos do sector público pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.

Segundo.- Que a Fundación Galicia Europa creouse ao amparo do artigo 34.1 da Constitución española e se rexe pola Lei 12/2006, do 1 de decembro, de fundacións de interese galego e normativa de desenvolvemento. Foi declarada de interese galego pola Orde do 24 de maio de 1988 e resúltalle de aplicación a Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

A Fundación, creada para promover todas aquelas accións que propicien o achegamento entre Galicia e Europa, centra o seu labor en defender os intereses de Galicia ante a UE, promover a participación galega en proxectos europeos, e informar, formar e sensibilizar sobre a Unión Europea en Galicia.

Terceiro.- Que a Fundación Galicia Europa ten dende a súa creación como público obxectivo prioritario á mocidade galega na súa tarefa de información, formación e sensibilización sobre asuntos europeos. Tamén ten participado e participa en diversos proxectos europeos que teñen como principais beneficiaria á xente moza. Trátase de proxectos de cooperación, principalmente co Norte de Portugal, que promoven o emprendemento e a adquisición de habilidades por parte dos mozos para mellorar a súa empregabilidade.

Cuarto.- Que a Consellería de Política Social é o órgano da Xunta de Galicia ao que compete levar a cabo, entre outras, a súa política en materia de xuventude segundo o disposto no Decreto 176/2015, do 3 de decembro, polo que se establece a súa estrutura orgánica. A dita consellería, a través da Dirección Xeral de Xuventude, Participación e Voluntariado é a responsable da Rede Galega de Información Xuvenil, para a consecución dos obxectivos propostos no Título V do Decreto 50/2000, de 20 de xaneiro, polo que se refunde e actualiza a normativa vixente en materia de xuventude e no Capítulo II da Lei 6/2012, de 19 de xuño, de xuventude de Galicia, rede que ten como obxectivos asegurar que as prestacións de servizos de información xuvenil se desenvolvan en condicións axeitadas, garantir a difusión de información xuvenil ampla e actualizada en todo o ámbito da Comunidade Autónoma de Galicia, así como favorecer a implantación dos mecanismos de información precisos para posibilitar a igualdade de oportunidades entre a xuventude galega.

Quinto.- Que a Consellería de Política Social considera esencial o apoio á realización por parte da Fundación Galicia Europa das actividades que



informen e asesoren á mocidade sobre a Unión Europea, así como os proxectos europeos a prol da xuventude. A dita consellería considera que, como medida para afrontar a demanda de información sobre Europa e a multiplicación de iniciativas xuvenís en materia de mobilidade, cómpre o establecemento de accións que dean resposta de maneira axeitada ás demandas dos mozos e mozas, establecendo unha estreita coordinación coas canles de información establecidas na Rede Galega de Información Xuvenil.

Sexto.- Que, dado o carácter nominativo da subvención a favor da Fundación Galicia Europa nos orzamentos xerais da Comunidade Autónoma de Galicia para o ano 2020, non é posible promover a concorrência pública, ao abeiro do disposto no artigo 19.4 da Lei 9/2007, do 13 de xuño, de subvencións de Galicia.

Por todo isto, formalizan o presente convenio con suxeición ás seguintes

CLÁUSULAS

Primeira.- Obxecto



O obxecto do presente convenio é establecer as condicións polas que se rexerá a colaboración entre a Consellería de Política Social e maila Fundación Galicia Europa para o financiamento pola Consellería dos programas de información e sensibilización da fundación sobre a Unión Europea dirixidos á xuventude galega, así como para o desenvolvemento pola fundación de proxectos de cooperación europea en beneficio dos mozos e mozas galegos e portugueses, durante o ano 2020.



A Fundación Galicia Europa difundirá a través das súas canles a actualidade comunitaria de interese para os mozos publicada na web www.fundaciongaliciaeuropa.eu e, especialmente, as posibilidades de prácticas e saídas profesionais na Unión Europea e organizacións internacionais publicadas na súa guía en liña www.guias.fundaciongaliceuropa.eu. As redes sociais de ambas entidades utilizaranse para reforzar a comunicación destes temas. No portal web da Fundación Galicia Europa crearase, ademais, un apartado específico sobre a información europea dirixida aos mozos a modo de oficina virtual de información.

Así mesmo, a Fundación Galicia Europa deseñará un programa de charlas telemáticas dirixidas aos centros integrantes da Rede Galega de Información Xuvenil para informar de asuntos europeos do seu interese e mellorar a participación da mocidade galega na UE. A Fundación definirá os temas máis

relevantes en relación coa Unión Europea que cómpre abordar nestes actos dirixidos á mocidade, e ofrecerá a súa participación ao longo do ano en distintas modalidades presenciais ou en formato telemático.

Por outro lado, a Fundación Galicia Europa continuará apoiando e participando en 2020 en dous proxectos europeos cuxos destinatarios son os mozos e mozas galego e portugueses e que teñen como obxectivo último mellorar a empregabilidade dos mozos e mozas mediante, entre outros, a adquisición de novas capacidades, o apoio ao emprendemento e o aproveitamento das vantaxes resultantes da cooperación transfronteiriza:

a) Proxecto “Catalizador de oportunidades de emprego e emprendemento xove transfronteirizo” (acrónimo: LIDERA) ten como obxectivo promover o desenvolvemento económico transfronteirizo a través da mellora das capacidades laborais e de emprendemento dos mozos de Galicia e Norte de Portugal. Durante o ano 2020 a Fundación Galicia Europa realizará as seguintes actividades:

- Actividade “Crece””: apoio, participación e asesoramento aos mozos e mozas nos Espazos Emprime sitios nos Espazos Xoves dependentes da Consellería de Política Social; nos encontros sectoriais; no impulso das accións de mobilidade xove e na posta en marcha de iniciativas xuvenís emprendedoras, xa sexa presencial telemáticamente, ou a través das nosas canles de comunicación máis directas.

- Actividade “Cataliza”: apoio no establecemento dunha metodoloxía de titorización individual, asistencia e apoio na formación personalizada, no desenvolvemento de accións de coaching individual a mozos e mozas en proxectos e iniciativas europeas xuvenís; e coordinación, dirección e execución de dous cursos sobre programas europeos específicos para mozos na área transfronteiriza, xa sexa presencial ou telemáticamente, ou a través das nosas canles de comunicación máis directas.

- Actividade “Emprime”: apoio no establecemento dunha metodoloxía de titorización individual (ámbito programas europeos, aspectos legais), seguimento das iniciativas empresariais dos mozos e mozas que se formaron nas diferentes actividades; xa sexa presencial, telemáticamente, ou a través das nosas canles de comunicación máis directas.

- Actividade de comunicación: realización dos *clipping* de prensa, realización dos boletíns dixitais trimestrais, coordinación de artigos divulgativos, publicación dunha revista/caderno sobre mozos e mozas da Eurorrexión que desenvolvesen boas prácticas no proxecto, pequena publicación de resultados alcanzados nas diversas metodoloxías de titorización e mentoring do proxecto.

b) Proxecto “A Eurocidade Chaves Verín como ferramenta de aproximación de Europa 2020 aos cidadáns” (acrónimo: Eurocidade_2020), proxecto que pretende consolidar a cooperación entre as cidades fronteirizas de Chaves e



Verín en ámbitos como o deporte, a cultura ou a educación, cos mozos e mozas como principais beneficiarios do proxecto. Durante o ano 2020 a Fundación Galicia Europa realizará as seguintes actividades:

- Actividade “Eurociudade Intelixente”: apoio, asesoramento e formación para a promoción de proxectos europeos a aqueles mozos e mozas que así o precisen e/ou demanden a través do Local de Ensaio ou a Oficina de Información Xuvenil Transfronteiriza Galicia-Norte de Portugal; capacitación a emprendedores e empresarios para a creación de emprego e a promoción de programas europeos do seu interese; realización de un curso sobre programas europeos para mozos, asociacións e novos emprendedores a fin de potenciar a súa participación; accións de formación para mozos e mozas desempregados.
- Realización de publicacións sobre as actividades realizadas.

Segunda.- Crédito orzamentario



A achega financeira ao citado convenio, no que atinxe á Consellería de Política Social, establécese en corenta e dous mil cincocentos euros (42.500 €), con cargo á partida orzamentaria 13.05.313A.443.02, dos orzamentos xerais da Comunidade Autónoma para o ano 2020, para a posta en marcha das actividades de apoio á mocidade galega no ámbito da Unión Europea, recollidas no expoñendo terceiro e na cláusula primeira.

Terceira.- Compatibilidade



Esta subvención é compatible con outras subvencións, axudas, ingresos ou recursos para a mesma finalidade que puidera obter o beneficiario procedentes de calquera Administración ou ente público ou privado, nacional, da Unión Europea ou de organismos internacionais. Non obstante, e en todo caso, o importe global de todas as axudas que se obteñan non poderá superar o custo efectivo da actividade.

Cuarta.- Gastos subvencionables

1. Con carácter xeral e de conformidade co artigo 29 da Lei 9/2007, de 13 de xuño, de subvencións de Galicia, consideraranse gastos subvencionables aqueles que respondan á natureza da actividade obxecto deste convenio e se realicen entre o 1 de xaneiro e o 31 de decembro de 2020.
2. Gastos de persoal necesario para a execución das actividades: serán gastos subvencionables os custos do persoal destinado á execución das actividades descritas na cláusula primeira. Non serán subvencionables os gastos de persoal

que non preste servizos directamente relacionados co desenvolvemento das actividades obxecto deste convenio.

3. Gastos derivados da realización das actividades descritas na cláusula primeira: serán gastos subvencionables a elaboración de materiais, os gastos de publicidade específicos das actividades e material de oficina.

Quinta.- Xustificación

1. A achega da Consellería de Política Social será librada, previa presentación da xustificación das actividades realizadas, para o que a Fundación Galicia Europa deberá presentar a seguinte documentación:

a) Memoria xustificativa do cumprimento das actuacións obxecto do convenio, con indicación das actividades realizadas e dos resultados obtidos.

b) Memoria económica xustificativa, que conterá:

- Unha relación clasificada dos gastos da actividade, con identificación do acreedor e do documento, o importe, data de emisión e, no seu caso, data de pago.

- Facturas ou documentos de valor probatorio equivalente no tráfico xurídico-mercantil ou con eficacia administrativa incorporados na relación a que se fai referencia no apartado anterior e a documentación acreditativa do pago.

- No caso de gasto de persoal: nóminas, boletíns de cotización á Seguridade Social, documentos de retencións do imposto da renda das persoas físicas e documentos similares.

c) Unha certificación expedida polo director da Fundación Galicia Europa, da realización das actividades e o gasto derivado delas.

d) Unha declaración do conxunto de todas as solicitudes aprobadas ou concedidas para a mesma acción das distintas administracións públicas ou de calquera dos seus organismos autónomos, sociedades ou entes públicos ou privados, nacionais, da Unión Europea ou internacionais.

e) Unha declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma.

2. Esta documentación deberá remitirse con cada xustificación parcial e, en todo caso, coa data límite do 30 de decembro do exercicio en curso.

3. Coa xustificación final o beneficiario deberá presentar unha declaración responsable nos termos do artigo 11 do Decreto 11/2009, do 8 de xaneiro, polo



que se aproba o regulamento da Lei 9/2007, do 13 de xuño de estar ao corrente no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública da Comunidade Autónoma.

Sexta.- Pagamento

Poderán acordarse pagamentos parciais, a medida que o beneficiario xustifique o gasto aplicable ao convenio segundo o establecido na cláusula cuarta ata unha porcentaxe do 80% da contía concedida, librándose o 20% restante no momento da xustificación final.

Para estes efectos considerárase como gasto efectuado o efectivamente pagado, é dicir, do que se acredite o seu pagamento mediante extractos ou certificacións bancarias debidamente identificados, selados e asinados polo beneficiario, segundo o establecido no artigo 42.2 do Decreto 11/2009, do 8 de xaneiro.

Sétima.- Vixencia



A vixencia do presente convenio de colaboración estenderase dende a data da súa sinatura ata o 31 de decembro do 2020. Non obstante, e dada a súa finalidade, poderán subvencionarse con cargo ao mesmo os custos de persoal, actividades e funcionamento da oficina desde o 1 de xaneiro do 2020.

Oitava.- Supervisión e control



A Fundación Galicia Europa someterase ás actuacións de supervisión e control que, en calquera momento, poidan acordar os servizos competentes da Consellería de Política Social, tanto no relativo ao desenvolvemento das actividades de información e documentación europea para a mocidade como á súa xestión e tramitación administrativa e documental, realizadas polo persoal designado para o efecto, así como facilitar toda a información que lles sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións de fiscalización e control do destino das axudas.

Novena.- Modificación. Denuncia

Toda alteración das condicións tidas en conta para a concesión desta axuda, en todo caso a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderán dar lugar á modificación do presente convenio.

As partes poderán denunciar e resolver o presente convenio en calquera momento, de acordo co establecido no artigo 51 da Lei 40/2015, do 1 de outubro, do réxime xurídico do sector público.

Décima.- Obrigas

A Fundación Galicia Europa deberá cumprir os requisitos do artigo 10 e as obrigas recollidas no artigo 11 da Lei 9/2007, do 13 de xuño.

Así mesmo, deberá presentar:

a) Unha declaración do conxunto das axudas solicitadas, tanto as aprobadas ou concedidas, como as pendentes de resolución, para este mesmo proxecto, das distintas administracións públicas competentes ou das súas entidades vinculadas ou dependentes ou doutros entes públicos ou privados, estatais ou internacionais.

b) Unha declaración de atoparse ao corrente no cumprimento das súas obrigas tributarias e fronte á Seguridade Social, non tendo pendente de pagamento ningunha outra débeda coa Administración pública da Comunidade Autónoma.

Deberá igualmente subministrar á Administración toda a información necesaria para o cumprimento das obrigas previstas no título I da Lei 1/2016, do 18 de xaneiro, de Transparencia e Bo Goberno, coas consecuencias, no caso de incumprimento, indicadas no artigo 4 da devandita lei.

Décimo primeira.- Causas de resolución

Serán causas de resolución do presente convenio e procederá, se é o caso, o reintegro total ou parcial da axuda percibida e os xuros de mora xerados dende o momento do seu pagamento, as seguintes:

- a) O incumprimento de calquera das cláusulas establecidas no mesmo.
- b) A aplicación dos fondos outorgados no convenio para fins distintos dos que motivaron a concesión.
- c) A falta de xustificación do emprego das cantidades recibidas.
- d) Os demais supostos previstos no artigo 32 e 33 da Lei 9/2007, do 13 de xuño. A tramitación do procedemento de reintegro realizarase de conformidade co disposto no Título II da Lei 9/2007, do 13 de xuño, e no título V do Decreto 11/2009, do 8 de xaneiro.



Décimo segunda.- Comisión de seguimento e control

Constitúese unha comisión de seguimento e control, que levará a cabo o seguimento do presente convenio e resolverá os problemas de interpretación e cumprimento que se poidan presentar.

A comisión estará composta por un representante de cada unha das entidades asinantes do convenio. A referida comisión estará presidida pola directora xeral de Xuventude, Participación e Voluntariado, ou persoa que a substitúa, e actuará como secretario/a un/unha funcionario/a da Dirección Xeral de Xuventude, Participación e Voluntariado.

A comisión considerarase o mecanismo de seguimento, vixilancia e control da execución do convenio, aos efectos da Lei 40/2015, do 1 de outubro, e da Lei 16/2010, do 17 de decembro, de organización e funcionamento da Administración xeral e do sector público autonómico de Galicia.



Décimo terceira.- Relacións contractuais ou laborais

A subscrición do convenio non supón relación laboral, contractual ou de calquera outro tipo entre os profesionais e empregados da Fundación Galicia Europa que desenvolvan as actividades programadas e a Xunta de Galicia.

Para levar a cabo os obxectivos e fins do convenio, a Fundación Galicia Europa poderá contratar, con cargo ao orzamento sinalado na cláusula segunda, persoal para o desenvolvemento das actividades descritas. Neste caso, a Fundación Galicia Europa asume a responsabilidade respecto do persoal que asume as obrigas de levar a cabo as actividades descritas no convenio.



Décimo cuarta.- Obrigas de publicidade

O convenio quedará sometido en canto a publicidade do mesmo ao establecido na Lei 1/2016, do 18 de xaneiro e no Decreto 126/2006, do 20 de xullo, polo que se regula o Rexistro de Convenios da Xunta de Galicia.

A sinatura deste convenio leva implícita a autorización da Fundación Galicia Europa para a inscrición no Rexistro de Axudas, Subvencións e Convenios, de acordo co Decreto 126/2006, do 20 de xullo, así como a súa publicación, de conformidade co previsto na Lei 1/2016, do 18 de xaneiro, e no Decreto 132/2006, do 27 de xullo, polo que se regulan rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o 2006.

De conformidade coa Lei 38/2003, do 17 de novembro, xeral de subvencións, o convenio de colaboración e a información sobre a subvención serán comunicadas á Base de Datos Nacional de Subvenciones (BDNS).

Décimo quinta.- Información básica sobre protección de datos

Os datos persoais recadados neste convenio serán tratados na súa condición de responsable pola Consellería de Política Social coas finalidades de levar a cabo a tramitación administrativa que se derive da xestión deste convenio.

O tratamento dos datos baséase no cumprimento dunha misión de interese público ou no exercicio de poderes públicos, conforme as referencias recollidas en <https://www.xunta.gal/informacion-xeral-proteccion-datos>.

Os datos serán comunicados ás Administracións públicas no exercicio das súas competencias, cando sexa necesario para a tramitación e resolución dos seus procedementos.

A fin de darlle a publicidade esixida ao convenio, os datos identificativos das persoas interesadas serán publicados conforme ao descrito no presente convenio a través dos distintos medios de comunicación institucionais dos que dispón a Xunta de Galicia como Diarios Oficiais, páxinas web ou taboleiros de anuncios.

As persoas interesadas poderán acceder, rectificar e suprimir os seus datos, así como exercitar outros dereitos ou reiterar o seu consentimento, a través da sede electrónica da Xunta de Galicia ou presencialmente nos lugares e rexistros establecidos na normativa reguladora do procedemento administrativo común, segundo se explicita na información adicional recollida en <https://www.xunta.gal/proteccion-datos-persoais>.

Décimo sexta.- Publicidade no Portal da Transparencia e Goberno Aberto

As partes asinantes autorizan a publicidade dos seus datos persoais e demais especificacións recollidas no presente convenio de colaboración no Portal da Transparencia e Goberno Aberto da Xunta de Galicia.

Décimo sétima.- Lexislación aplicable e xurisdición competente.

O presente convenio terá carácter administrativo, rexendo os seus efectos polo establecido nas cláusulas do mesmo e, no seu defecto, pola Lei 9/2017, de 8 de novembro, de contratos do sector público, para resolver as dúbidas e lagoas que poidan xurdir, así como no que lle sexa aplicable polo Decreto lexislativo 1/1999, do 7 de outubro, polo que se aproba o texto refundido da Lei de réxime financeiro e orzamentario de Galicia, na Lei 38/2003, do 17 de novembro, e na Lei 9/2007, do 13 de xuño e o Decreto 11/2009, do 8 de xaneiro.



No presente convenio de colaboración correspóndelle á Consellería de Política Social, a prerrogativa de interpretación do mesmo e resolver as dúbidas que xurdan sobre o seu cumprimento, sendo os acordos adoptados neste caso inmediatamente executivos.

As cuestións litixiosas xurdidas sobre a interpretación, modificación, resolución e efectos do presente convenio de colaboración serán resoltas pola conselleira de Política Social, poñendo os seus acordos fin á vía administrativa, que poderán ser recorridos potestativamente en reposición ante o mesmo órgano que os ditara no prazo dun (1) mes segundo o establecido na Lei 39/2015, de 1 de outubro, ou ser impugnados directamente ante a orde xurisdiccional contencioso administrativa, segundo o disposto na Lei 29/1998, do 13 de xullo, reguladora da xurisdición contencioso administrativa. Para estes efectos o Tribunal competente será o Tribunal Superior de Xustiza de Galicia.

En proba de conformidade, asinan o presente convenio de colaboración por triplicado exemplar no lugar e data indicados no encabezamento.

**POLA CONSELLERÍA DE
POLÍTICA SOCIAL**
A conselleira



Asdo.: Fabiola García Martínez

**POLA FUNDACIÓN
GALICIA EUROPA**
O director



Asdo.: Jesús María Gamallo Aller